

增訂婦嬰至寶下

午 34

1<2.



婦嬰至寶卷六

福幼編

武進莊一夔著

拜松居士增訂

原序

世之醫者。委云小兒無補法。只此一語。禍延靡窮。夫小兒臟腑柔嫩。經脈未充。易於受邪。而入之未深。偶遇身熱惡食。稍爲和解足矣。乃醫者始必羣聚疎風消克之藥。重劑雜投。不應則繼以沉寒固冷。殊不知風藥多則陰血受傷。而多汗亡陽。氣亦隨耗。再用苦寒傷胃。俾陽明無司運之權。而太陰亦失傳送之度。以未充之經脈。柔嫩之臟腑。受此無窮之消伐。慢驚風之所由致。端在



是也。當此之際。尚不亟思補偏救弊之法。猶謂邪未盡而熱未除。必驅之萬無可生之路而後已。殺人毒手。未有慘於此者。至慢驚風一症。亦有無所因而發者。此根於賦稟本虛。陰陽失互相生長之機。漸形歇絕之狀。惟審其偏勝。力爲補救。庶幾十得一二耳。若猶以外因治之。縱使稍爲和解。殺之亦至捷也。今讀毘陵莊在田先生福幼編。其言慢驚致病之由。則究本窮源。治則絲絲入扣。立方則審其陰陽之辨。而直中其款竅。古有活人書。此其是矣。宜亟付之梓人。廣行於世。俾醫者覺迷途於未晚。而世間赤子全活者。奚止數萬萬而已哉。慕豫

生誤。

凡例

一此編專以溫補見長。凡小兒既成慢驚。必於後開條目內有數處相合者。即放心照方服藥。勿謂此書與古方疎風散熱之藥不同。仍泥用古方以自誤也。

一此編乃獨得之奇實發。古人不傳之秘。但天下之大。凡小兒患此症者。待命殷諄。是以任憑有志活人者。翻刻廣傳。實洽鄙願。

一近代所賣之抱龍牛黃等丸。皆疎風化痰之藥。急驚最爲對症。若慢驚之甚者。下喉卽死。



一急驚與慢驚全屬相反。急驚之症。當其驚風大作。喉中多有熱痰。用抱龍等丸下咽。卽醒。再用清熱消導之藥。一劑而安。慢驚乃係寒痰虛風。非逐寒補腎如何能愈。古人每以一方治二症。未究其致病之根源。若不分急慢虛實。施治爲禍非小。

一近代醫家皆云驚風一症。先須鎮驚開竅。往往用硃砂及金銀器物煮水。仍煎清熱散風之藥。所以愈治愈危。從未聞治愈一人。良可嘆也。

一小兒病篤。不免求神問卜。而星士瞽者。必云某日可服藥。某日服藥無效。或云有鬼祟等語。但慢驚之症。實



因虛極生風。非速加溫補。不能奪命。遲則愈難望。卽速依方服藥。切莫遷延。一海內醫書。未可枚舉。諸子雖各執一見。議論紛陳。然失之於此者。仍得之於彼。惟慢驚一症。自古沿今。相承錯謬。殊堪扼腕。是以此編專辯慢驚一症。與各書不同。尚有經驗之方。槩不列入。恐反覺舉一漏百。且爲字不多。俾爲善者。易於翻刻。一凡爲善濟人。及有一切陰隲者。子孫當得福報。倘能將此書翻刻廣傳。使天下後世。活人無窮。又非尋常陰隲可比。其翻刻爲善者之子孫。更不知當如何昌盛。費



甚小而功甚大何不爲此

一此一編旣得一知半解可以活人豈敢隱而不宣況小兒諸病之後均能轉此最爲幼科第一危險之症業於姑蘇中州等處付梓矣第恐世遠年湮沉淪滅跡爲之奈何惟望四方仁人君子旣翻刻焉復與坊內商之使其附刻於行世各醫方之後方得遍傳且可免埋沒之患

治慢驚風心得神方

慢驚之症緣小兒吐瀉得之爲最多或久瘧久痢或痘後疹後或因風寒飲食積滯過用攻伐傷脾或秉賦本



虛。或誤服涼藥。或因急驚而用藥。攻降太甚。或失於調
理。皆可致此症也。其症神昏氣喘。或大熱不退。眼闔驚
搐。或乍寒乍熱。或三陽晦暗。或面色淡白。青黃。或大小
便清白。或口唇雖開裂出血。而口中氣冷。或瀉痢冷汗。
四肢冰冷。並至腹中時響。喉內痰鳴。角弓反張。目光昏
暗。此虛症也。亦危症也。俗名謂之天弔風。虛風慢脾風。
皆此症也。若再用寒涼。再行消導。或用膽星抱龍以除
痰。或用天麻全蝎以驅風。或用知柏芩連以清火。或用
巴豆大黃以去積。殺人如反掌。實可畏也。若治風而風
無可治。治驚而驚亦無可治。此實因脾腎虛寒。孤陽外

越元氣無根。陰寒至極。風之所由動也。治宜先用辛熱。再加溫補。蓋補土所以敵木。治本卽所以治標。凡小兒一經吐瀉交作。卽是最危之症。若其屢作不止。無論痘後疹後。病後不拘何因。皆當急用參朮。以救胃氣。不惟傷食當急救之。卽傷寒傷暑亦當急救之。蓋其先雖有寒暑實邪。一經吐瀉。業已全除。脾胃空虛。倉廩空乏。若不急救。恐虛痰上湧。命在頃刻矣。庸醫見之。皆誤指爲熱。爲食。投以清火去積涼藥。立時告變。爲之奈何。與其失之寒涼。斷難生活。不若失之溫補。猶可救療。此語發明吐瀉驚風之理。最爲明透。後之君子。願無忽諸。今將



慢驚辨症臚列於後

一慢驚吐瀉脾胃虛寒也。

一慢驚身冷陽氣抑遏不出也。

一慢驚鼻孔煽動真陰失守虛火爍肺也。

一慢驚面色青黃及白氣血兩虛也。

一慢驚口鼻中冷氣中寒也。

一慢驚大小便清白腎與大腸全無火也。

一慢驚昏睡露睛神氣不足也。

一慢驚手足抽掣血不行於四肢也。

一慢驚角弓反張血虛筋急也。



一慢驚汗出如洗陽虛而表不固也。

一慢驚手足瘈瘲血不足以養筋也。

一慢驚顙門下陷虛至極也。

一慢驚身雖發熱口唇焦裂出血卻不喜飲冷茶米。

以及所吐之乳所瀉之物皆不甚消化脾胃無火。

可知唇之焦黑乃真陰之不足也明矣。

大凡因發熱不退及吐瀉而成者總屬陰虛陽越必成

慢驚并非感冒風寒發熱可比故不宜發散治宜培元

救本加薑桂以引火歸源必先用辛熱沖開寒氣再進

溫補方爲得治經驗二方列後。



逐寒蕩驚湯

伏龍肝

研三兩

丁香

研十粒

炮薑

一錢

胡椒

研一錢

肉桂

研一錢

或磨成濃汁。不可見火。

右五味

煎一酒杯

灌下

吐瀉立止

接服後方定

奇

效

以伏龍肝三兩煎湯澄極清代水更妙。

加味理中地黃湯

熟地

五錢

當歸

三錢如三四劑後

莫肉

六錢

枸杞

三錢

炮薑

一錢五分

條芩

二錢

炙甘草

一錢

棗仁

二錢

肉桂

一錢

五味子

一錢

補骨脂

二錢

白朮

四錢

生薑三片

紅棗三枚

胡桃一個

打碎為引

仍用竈心

土一兩。煮水煎藥。取濃汁大半杯。加附子三分。煎水攪入。諒兒大小分數。灌之。如咳嗽不止者。加薏殼一錢。金櫻子一錢。如大熱不退。加白芍一錢。泄瀉不止。加丁香六分。只服一劑。卽去附子。止用丁香七粒。隔二三日。只用附子一二分。蓋因附子太熱。中病卽宜去之也。如用附子太多。則小便閉塞不出。如不用附子。則沉寒臟腑固結不開。如不用丁香。則泄瀉不止。此所謂神而明之。存乎其人。用者審之。此方乃救陰固本之要藥。治小兒慢驚。稱爲神劑。若小兒吐瀉不至。已甚。或微見驚搐。胃中尙可受藥。喫乳便利者。並



不必服逐寒蕩驚湯。只服此藥一劑而風定神清矣。
如小兒尙未成驚。不過昏睡發熱不退。或時熱時止。
或日間安靜。夜間發熱。以及午後發熱等症。總屬陰
虛。均宜服之。若新病壯實之小兒。眼紅口渴者。實
火之症。方可暫行清解。但果係實火。必大便閉結。氣
壯聲洪。且喜多飲冷茶水。若吐瀉交作。則非實火可
知矣。此方補造化陰陽所不足。實回生起死有神功。
倘大虛之後。服一劑無效。必須大劑多服爲妙。

增

福幼編原本加味理中地黃湯

白朮 炮薑 黨參

熟地

錢五

當歸

錢二

萸肉

錢一

枸杞

錢二

白朮

錢三

炮薑

錢一

黨參



二錢 炙草 錢一 棗仁 二錢 砂研 肉桂 錢一 故紙 二錢 炙芪 錢一

兩方俱十二味。原本無條芩五味。有黨參黃芪。分兩較輕。附刊于後。俟明于醫理者決擇焉。



南京中医药大学图书馆藏

婦嬰至寶卷七

遂生編

武進莊一夔在田氏著

治法

痘科一症。順者不必治。逆者不能治。可治者惟險症耳。險症治之得法則生。不得法則不生。是治法之不可不精也。內經未嘗言及。今行世諸書皆本之諸瘡痛癢皆屬於熱八字。所以立意先言解毒。開方定用寒涼。在其父母聞之。解毒最爲入耳。寒涼似亦應然。殊不知痘瘡全以發透爲吉。起發必賴氣血滋培。方能自內達外。齊苗灌漿結痂。無非陽氣爲之主也。寒涼則血滯。尅消則



婦嬰至寶 卷一

氣破血滯氣破毒氣乘虛深入。此痘症陷塌之所由來也。譬之猪脬。胞即尿若欲其脹滿。必需以氣充之。散其氣。立即陷矣。此理相同。顯而易見。痘之始終。全憑氣血。但得氣血充足。則易出易結。氣血不足。則變症百出。痘之欲出。陽氣蒸騰。小兒發熱。正是痘欲見苗。斯時氣虛者。宜服補中益氣湯。血虛者。宜服荆防地黃湯。兼寒者。宜服大溫中飲。或大補元煎。察其氣體之虛實。酌而用之。所謂培補氣血。疎通筋絡。無不立奏全功。時醫不明此理。定言用補太早。則補住毒氣。乃愚陋之見也。不知補中。即所以託毒。灌根。即所以發苗。萬無補住之理。且有

中國醫藥大學圖書館藏